

Chattar l'entrada en la politica

«Reparti vossas cartas da visita» – a l'occurrenza da la promozion politica da dunnas giuvnas èn las participantas vegnidas animadas da daventiar activas, da sa coliar e da s'infurmear. L'event da mesemna saira a Cuira è vegni organisà dal Post da stab per l'egalitat da las schanzas (PES) e da la Sessiun dals giuvenils dal Grischun.

LAURA SCHÜTZ/FMR

Mesemna encunter saira en la biblioteca da la citad a Cuira: plimatschs, surgas, maisas e placats vegnan semtgads. Adina dapli mattas e dunnas tranter 13 e 30 onns sa rimnan en ina stanza davos en la biblioteca. «Jau ma sun già participada al parlament da mattas e discutesch gugent cun la famiglia u en scola davart temras politics», di *Sina Stricker*. La giunga da 14 onns da Cazas spera da survegnir bleras infurmaziuns davart ina carriera politica pussaiva.

Biografias da politicras giuvnas

Avant che daventiar sezzas activas, emprendan las participantas d'enconuscher autres carrieras politicas, quai durant ina discussiun al podium tranter quatter politicras giuvnas. *Chantal Wernli* dal PES modereschia il discurs cun *Géraldine Danuser* da la Partida verd-liberala (PVL) grischuna cun *Flavia Aeblei* dals Giuvens liberals (GL) grischuns, cun *Martina Widmer* da l'Allianza dal Center (AdC) giuvna grischuna e cun *Julia Müller* da la Partida socialdemocratica (PS).

Martina Widmer. «Ins na vegn mai sfurzà da sustegnair in'opiniun, e politica è adina lavour da team», accentuescha *Julia Müller*.

È ina candidatura lura necessaria per daventiar activa? Martina Widmer di da na, lavour voluntaria saja era fitg custaivla. «Ins sto però far attenzion che berg mo las dunnas fetschian la lavour zuppada», repligescha *Géraldine Danuser*. Quai l'haja era motivà da daventiar presidenta. Ses plans per il futur na vul ella dentant berg tradir: «Insatgi m'ha ina giada ditg ch'ins na daventia mai quai ch'ins raquinta publica-main», di ella riend.

Martgà politic

Suenter ina curta pausa è la stanza vegnida restructurada ad ina sort plaza da martgà cun plirs stans d'infurmaziun. «La finamira è da s'infumar e rimnar contacts», fa *Barbara Wülser* dal PES l'avertura. Per quest intent han las participantas survegnì cartas da visita cun lur numbs a l'entschatta da la saira.

«Jau na fatsch forsa betg uschè bona reclama, perquai che jau sun mo in um – politica verda n'era però anc mai uschè dumandada sco uss», di in represchentant dals Giuvens Verds



Las spetgas da *Sina Stricker* da Cazas èn vegnidas ademplidas.

FOTOS LAURA SCHÜTZ

svader autres da las atgnas valurs. Era il cusseglier guvernativ *Jon Domenic Parolini* visita l'event e stat a disposiziun per dumondas. «Uss pudais vus era discurrer rumantsch», manegia *Barbara Wülser*.



Las participantas taidlan attentamain la discussiun al podium – mesemna saira en la biblioteca da la citad a Cuira.

«Co avais vus chattà la via en la politica?», è ina da las emprimas dumondas. Flavia Aeble raquinta d'in onn da barat, nua ch'ella ha discussiùna cun glieud d'auters pajais davart lur sistèms politics. «Quai m'ha tranter auter motivà da m'engaschar. Sa decider per ina partida n'è però betg stà simpel.» I gidia d'esser commembra d'ina partida per avair in effect, èn las giuvnas da l'avis. «Jau chat ch'ins dastgia schizunt sco deputada dal Cussegl Grond anc midar la partida, anzi, quai mussa la fermezza da pudair conceder, sche las atgnas valurs sa midan», di

(GV) grischuns riend. Uschia ha mintga stan la chaschun da sa preschentat. Tut las partidas giuvnas, cun excepciu da la giuvna Partida populara (PPS) grischuna èn da la partida. Era la Sessiun dals giuvenils ed activistas da la chau-ma per il clima e da la chauma da las dunnas fan attent a lur acziuns. «Igl è impurtant che glieud giuvna s'engascha, perquai che la politica decida davart noss futur», di *Ira Schweizer*, activista dal clima. Ella spera da pudair recrutar novas commembras. Il temp passa svelt al martgà: I vegn discussiùna ed empruvà da per-

Facit positiv

Las conclusiuns durant la runda finala èn positivas. «Igl è stà bel da discurrer cun glieud da la medema opiniun», di *Luna Weggler* da la chauma da dunnas. «Nus ans legrain sche vus as annunziais», fan ils GL grischuns curascha.

E co statti cun las spetgas da las participantas? «Quellas èn vegnidias ademplidas», di *Sina Stricker*. Ad ella haja plaschè bain da rimnar contacts. Gugent avess ella però anc survegnì infur-maziuns pli concretas co entrar en la politica.

«Durant discurrer cun las participantas hai jau survegnì l'impressiun ch'intinginas èn già fitg decisas d'entrar en la politica», constatescha *Jon Domenic Parolini*. Tenor el èsi impurtant ch'i dettia dapli idols per dunnas giuvnas. Tgi sa, forsa han ils represchentants e represchen-tantas da questa saira pudì servir ad ina u l'autra sco exempl per era daventar sezza activa.



Era il cusseglier guvernativ **Jon Domenic Parolini** è stà da la partida.

Cumpart da dunnas en la politica

Sco che la regenza grischuna ha communigà mesemna, è la cumpart da dunnas fitg bassa en las autoritads communalas. Quai è il cas sin tut ils stgalims politics. Actualmain n'è nagina donna en la regenza grischuna e mo 20% dal Cussegl Grond èn dunnas. Glieud giuvna è en general sutrepreschentata. Tenor il studi «PROMO 35» da la Scola auta spezialisada dal Grischun han mo 6% da las personas en la politica comunala damain che 35 onns. (cdm/fmr)